考

信

錄

夏考告联《目	桀	少康 杼	改	卷二	附阜啊	馬上	卷一	見为信錄目
		乳甲 阜	夏中衰之世			爲下		

嗚呼此吾師東壁先生遺書也優和不見先生二十五年矣 **丙子夏省吾師於彰德未至而先生卒家人聞叩門日是云** 幸山西太谷縣越三月謀授梓時丁丑 中春也先是 愛和侍 **屏陳孝康乎手全書及遺屬哭沒余遺屬日吾生平著書三** 注顾講再拜柜前奉以如京将次第刻焉以永其傳是冬出 十四種八十八名依與南陳履和來親授之手澤心精不忍 先君子於江西刻上古考信錄三卷唐虞考信錄四卷正

僅及七卷治喪後勉將第八卷刻成而以先生全集總目 事師之職以慰吾師四十餘年著書之心於願足矣及和 **育罪重孽深吳天降割七月中遽閒** 經先生更定而大段由舊其板尚存故今日之刻自夏商豐 宜刻餘且從存態之命一二年問蔵此役以盡吾二十五年 卷皆不可以下刻五行辨天問二篇題為大怪實大好也亦 鎬考信錄好竊謂考常錄三十二卷雜者十六卷文集十六 朔經以府配通考各一卷冰泗考信錄八卷此數書者雖復 先母大故時豐鎬祭

聖天子牧養百姓在家授徒無一難一係以養吾親捧檄作令無 餘皆不復措手鳴呼人生大節在三優和居官無狀不能為 考信錄總序冠於前總跋一於後伸觀者知著作之大概其 合并先生既遷居彰德而與人如京師必取道鄭中去年之 得惟一 其書傳之弟子弟子循子也而履和忽忽去官不克竟刻書 來以爲必見先生無疑也而竟如此且先生不幸無子卒以 升一斗以奉吾親其·沃大矣卿舉以來奔走垂三十年 所 師耳自乾隆壬子歲事先生於京即數月遂別不可

學博而約大而精矣衰終中不敢爲文禮叙刻書始末以紀 吾哀至於先生所以善書之山則自序盡之門下士更不能 復和 之身耶抑不 必吾身吾朋友子弟而天下好古之士將 生全書其竟無傳耶其將傳之吾朋友子弟耶其竟終傳之 之志今而後精力之盛衰不可知他日之出處亦未可必先 有愛暴而共傳之者耶雖然讀已刻諸錄亦可以見先生之 辭也十月十一日受樂門人石屏陳履和書

夏考信錄自序 夏考信錄者何繼治也堯崩天下歸于舜舜崩天下歸于爲 故考夏政者不必别求夏政唐真之政即夏政也禹之繼治 同更定而政又賢能承繼禹之道然則是於唐虞之政其必 唐與之政千古未有能及之者况宅百揆而熙帝載皆禹所 然並太康以後何爲以中衰别之也羿促选興權力雄於天 因之而不改者理勢之自然也但太康以後不能無麽墜耳 下諸侯從之者多仲康微弱后相失國夏政不行於天下也 可という言語を求している。

阜陶何以附於禹之後也其功德大也孟子日若禹皐陶則 故特表之也 見而知之又日舜以不得禹阜南為已憂皆以禹皐陶並舉 ラオイ金 夏考信錄 人卷之一 鯀墮洪水泪陳其五行帝乃震怒不畀浜範九疇葬倫攸斁 縣則極死禹乃嗣與着洪 **夏考信錄卷之** 禹上 大戴記帝繁篇云黄帝產昌意昌意産高陽是為帝 顓頊顓頊産縣縣産文命是為禹史記夏本紀因之 受業門人石屏陳履和校刋 大名崔述東壁謹考

十二載舜受終時亦當百有五十七歲而鯀之用乃 七十五年帝擊在位九年則顓頊之崩下至堯之七 自史記及帝王世紀始皆謂其相繼然云帝嚳在位 **臆度未敢據以為實然也由是言之禹斷非顓頊之** 項之子也哉唯漢志謂韻項五世而生鯀於事理較 在堯世縣之殛乃在堯七十二載以後縣安得為觀 余按上古天子本不相繼而帝顓頊王堯其世蓋遠 近然傳記無所見而舜馬不同姓舞姓恐亦出於

縣極而禹與二十一 **詳前黃帝堯舜篇** 旭 大 孫 亹穆穆為網為紀余後此首後人贊禹之詞然交皆 淺近膚澗不足以稱禹之德且自古聖賢之所同 可親其言可信聲為律身為度稱以上士 戴記稱馬云敏給克濟生部其德不回 何 而亦未必果顓頊之裔與其誤信之而誣聖人之 如姑闕之而不失君子之正乎故今不錄說並 年公 中 以記違記 出作其 叠

再發躬稼論語憲 世說者遂以后稷之教民稼穡為躬稼且云禹未躬 戴此篇巳亡而後人釆史記之支以補之者附識於 論語集注云禹平水土暨稷播種身親稼穡之事近 此俟好學深思者决之說並詳前唐廙堯舜篇中 不必增所有者皆不如史記文義之明潔疑古本大 馬之惡其交皆畧與史記同然又記所無者皆其所 不得獨以稱禹也故不采又考大戴記所稱五帝及 老之一

可とうなると 見天之所眷者在德耳故孔子曰尚德哉若人語意 其死禹稷身居献畝若不能自奮而反受天明命以 濟世之大功固宜有天下不但本句文義齟齬而與 适之意以為羿奡才力絶人若可以無患而反不 稼而言躬稼者水土旣平稼穑乃可教也余按南宫 甚明無可疑者若以躬稼為治水明農之事則此乃 上句語意亦不倫禹稷因躬稼故當有天下豈羿奡 因有材力即當不得其死乎躬者身也身自耕稼乃 Wax. 1 1 1

導岍及岐至于荆山逾于河壺口雷首至于太岳底柱析 天乃錫禹洪範九疇葬倫攸叙 藝在菽則亦生長於田問者故南官适云然不得以 **稼不得謂之躬稼明甚況禹未嘗教稼者乎蓋禹自** 鯀殛後亦即降同康人親歷祇畝而詩稱稷匍匐以 孟子闢之引稷之教民稼穑而以為不暇耕然則教 可謂之躬稼教民為之非躬稼也許行為並耕之說 治水明農之事當之也 オス

更当了言家 至于王屋大行恒山至于碣石入于海 于大華熊耳外方桐柘至于陪尾書禹 **蔡傳云逾者禹自荆山而過於河也孔氏以為荆山** 木其所表識諸山之名必其高大可以辨疆域廣博 之脉逾河而為壺口雷首者非是禹之治水隨山刋 導水諸章文云至于合黎至于三危者水至之也云 有意推其脉絡之所自來若今之葬法所言也余按 可以奠民居故護而書之以見其施功之次第初非 1 1 X . XE. / 西傾朱圉鳥鼠至 1

復來者蓋不可以悉數何以獨記此數章乎馬之導 山固非若今術士為葬法計然豈容不問其脉終首 禹八年於外所至所過之地多矣其來而復往往而 過為禹過之逾為禹逾之哉亥同說異何以别焉且 先取地高下左右俯仰之形而詳辨之然後能知某 尾况山之脉絡正與治水相表裏欲使水之軌道必 過三溢過九江者水過之也乃至云迤云會云溢云 人者皆水也非禹也何獨導山諸章則至爲禹至之

一覧分与表 大小耳不可謂洴淵稅用之行師者遂必棄之也不 折山脉安可以不問也故同一不龜手之藥也宋 用之以拼掷狱吳王用之以與越戰此自用之者有 合而凡地之高下左右俯仰皆視山之起伏分合屈 不以五行推入禍福耳未嘗不修五行以利民用也 五行以推入禍福亦遂謂聖人不言五行乎聖人但 水當左某水當右某水於某處可出某水與某水 可謂葬法用之治水者遂必不資之也今術士皆據 1 Ĺ

多表,作多 山哉余按此說特因堪輿家言有所謂两山間必有 也奈何反屬之術士哉蔡傳又云河北諸山皆自代 水東流以入于海一支為壺口太岳一 城王屋西折為雷首一支為大行一支為恒山其間 北乘高而來其脊以西之水西流以入西河以東之 各隔沁潞諸川不相連屬豈自岍岐跨河而為是諸 且衡士何足以知山脉術士之談山脉正如其談五 行非沿訛踵謬則穿鑿附會耳知山脉者莫聖人若 光光之 支南出為析

循山而流者亦有穿山而出者大行自天井關東行 不知此二語特言其大概非以爲盡然也凡水固有 **連接若河南地平則河北亦平然則冀南之山顋** 餘里絕無斷處而漳沁滹沱桑乾 北轉歷邢相抵易定環鵝京而東南以至于海二千 河而西見河南之山皆如趨如赴與河北諸山遙 山而東安見隔水遂不相連屬乎余皆自洛人秦 两水間必有山者故疑隔水則山遂不相連屬耳 永定皆自山 西踰 循 相

夏考信錄一人卷之一 九江至于敷淺原『 導幡冢至于荆山內方至于大别 向不南行其四山則在汾水流入西河者 言之經之逾于河當屬山不當屬禹明矣 吾故曰術士不足以知山脉知山脉者聖人也由是 北諸山何由自代北來特堪輿家猜度而為之說耳 西山相連屬其中坦然平地竟無處可指為脊者河 自豬獠來偽傳之說是也且太原東即大行山勢北 岷山之陽至于衡山過 西與河

アンプラ 大 惟岷山一 以北為第一重岍岐至太岳為西幹底柱至碣石為 導山凡两章其山分四重由近而遠由北而南河渭 東幹壺口二句與冀之壺口太原四句相表裏底柱 為第三重幡家為西幹內方為東幹江南為第四重 四句與冀之單懷恒衛四句相表裏河消以南為第 記凡十二山西傾以下八幡家以下四岷山以下并 二重四傾以下為西幹熊耳以下為東幹淮漢以南 1 2000 1 幹耳近者文詳遠者文畧故岍岐以下所 í

ラオ 作金 一名之一 冀也 蓋嵬輯諸子小說之言以成書者其尤顯然可見者 此以上并記禹導山之事〇世傳山海經為禹與盆 長沙零陵桂陽諸暨等郡縣名皆寨漢以後始有之 敷淺原乃三耳循導水之獨詳於河九州之獨詳於 也故悉不乐 所撰余按書中所載其事荒唐無稽其文淺弱不振 其為漢人所撰明甚甚矣學者之好奇而不察真偽

漳東過洛汭至于大伾北週洚水至于大陸又北播為九河 導黑水至于三危入于南海 尊弱水 至于合黎餘波人 于流沙 導河積石至于龍門南至于華陰東至于底柱又東至于孟 同為逆河入于海 陸播為九河同為迎河入于勃海漢書溝 存多〇禹以為河所從來者高水湍悍難以行平地數 為敗乃釃二渠以引其河北載之高地過洚水至于七 同

夏考信錄 个 个 个 个 一 澤 載之高地者則殊得其事實故列之於存象 信都即今冀州冀州在鉅鹿北正承泊水下流則是 按禹釃二渠之文不見於經鄭漁仲謂自秦時河央 顔師古云洚水在信都大陸在鉅鹿蓋鉅鹿有廣阿 始有二流者說近是然所謂水湍悍難行平地乃北 非也蔡傳於洚水亦云今信都縣枯洚渠也於大 河過洚水反在大陸之下於經文為倒置師古之說 孫炎以爲大陸故師古云然然廣阿澤即今北泊

夏考信錄 人卷之一 隆平縣寧晉縣二縣今並深州今直隸 澤跨今直隸保定府束鹿縣順德府鉅鹿縣正定府 為大陸者得之不知昭慶郎今鹿城即今雖與鉅鹿 即孫炎所指未嘗在信斧北蔡氏之說亦非也蓋其 分隷三州而實同臨廣阿一澤故地理今釋云廣阿 昭慶為大陸縣唐割鹿城置陸渾縣以那趙深三州 則云信泽之北四無山阜曠然平地是矣然謂隋攺 誤在洋水河之所受數十百川然所紀者獨洛與洚 則是其地仍

洚水非枯洚乃泊水也孟于曰洚水者洪水也洚之 與洋之名義相符而高平日陸亦未聞有以之名澤 得名蓋取茫無津涯之義今泊水洁郮環數百里正 行自泊以外更無餘水可指以為泽者由此言之則 今西山洺溢沙洨諸水皆入于泊漳之故道亦穿泊 則大陸必在泊北以其相近也故後人因以其名名 者由此言之則泊水乃洚水非大陸也洚水旣在泊 而濟沁淇漳滹沱桑乾不與焉則絳必非小水明矣

東考信錄 廣且平放云大陸不得如顔察之說也 泊而北然後平原迤邐豆敷百里然則大陸當在 錢氏名等云班固以滹沱為徒駭蓋禹時黄河北流 泊以北两淀以南以其西山東河南泊北淀而中地 漸遠而又有南北二泊直其地皆不可謂之大陸過 河自大伾而北距西山僅百里漸北漸斜而東距 西山諸水皆東注入河滹沱其一也九河即恒山以 之猶今人之呼為寧晉泊非謂泊之遂為寧晉也 不をナー

過之也為也者亦河為之也播也者布也布也者分 東諸水逆河即易水與河合流而東故曰同為逆河 當日播為九河同為逆河矣漳汾渭洛諸水皆入干 之義也由合而分則日播為九河由分而合則日 為逆河若別有九河逆河則當日過九河過逆河不 余按章首旣云導河則至也者河至之也過也者河 云岩濫因海潮西來河水東去两水相迎而名故漢 河亦可日河播為漳汾渭洛同為漳汾渭洛乎逆

変与言家・一人会シー 竊揆其意似以滹沱所旒即徒駭之故道非以徒駭 古徒駭之故道耳猶曹操遏淇水以入白溝而水 滹沱為一水也蓋九河徒駭最北而滹沱在河西必 易水常之也至於漢志以滹沱為徒駭言之不詳然 志謂之迎河今天津三岔口以下水正如是不得以 由徒駭入河明甚其後九河上游雖沙而滹沱之流 不能改必仍由徒駭入河以達海故謂漢之滹沱即 云洪水東過內黃縣南為白溝非謂內黃以上之其

為沱又東至于遭過九江至于東陵東迤北會于滙東為中 **天于江東滙澤為彭蠡東爲北江八于海** 幡家導涂東流為漢叉東為滄浪之水過三澨至于大別南 三二八 个多 禹下 冀州境禹何得反記之於兖州邪此說至爲可笑然 學問之士亦有信之者故畧摘其謬如右云 皆古之白溝也遂以滹沱為古徒駭誤矣況并其南 之八河而悉以為西山之水乎且西山諸水皆不出 ライス 岷山導江東别

江入于海真 更吟言家 存命〇彭澤縣禹貢彭鑑澤在西則書 界云番陽在江之南去漢水八江之處已七百餘里 水所涯交與蔡傳畧乃從鄭氏漁仲之說以東涯澤 此交彭鑫說者以爲鄱陽朱子謂番陽在江南非漢 所蓄之水則合饒信禄撫等州戶江南之撤州府之流 為彭鑫東為北江入于海十三字為行交後又以行 文為未安遂斷以為禹貢之誤蔡氏作傳復申其說 W. Seff. 2. 1. 1 禹 地

官層往視亦可況洞庭彭鑫之間乃三苗所居彼方 之若江准則地偏水急不待疏鑿固已通行或分遣 枝絕為反屏意當時龍門九河等處禹親歷而身督 宜日南滙不應日東滙宜日南會于滙不應日北會 狹甚不應漢水人江之後七百餘里乃橫截而南人 非自漢入而為滙者又其入江之處石山峙立水道 于番陽又橫截而北流為北江且旣在大江南於經 于滙宜日北為北江不應日東為北江以今地望參

更吟言来 是以但知彭蠡之為澤而不知其非漢水所雅也以 山川之形勢以證其誤而蔡氏之辨復指畫詳明如 漢所滙明甚前人委曲遷就殊無別白朱子乃親察 此致誤謂之爲滙謂之北江無足怪者余按番陽非 乃不疑以番陽為彭蠡者之誤而反以輕為誤爲大 是可謂精核也已顧吾獨異朱子與蔡氏旣知其誤 **具共險 四項不 即工官屬之往者亦未必遽敢深** 不可解也導漢文云東滙澤為彭蠡故導江承之曰 1 2K2 1.1 발

リライチ 于海故文次于導河渭洛皆入于河故又次于濟淮 北會于滙若無東滙之交則所謂北會于滙者何滙 若導漢之文王八江而止則當次于渭洛之後不當| 無北江之文則謂之中江者何因也漢江濟淮皆入 乎禹貢所記治河爲多其次即莫若江漢而淮陝省 此十二言者承上開下文相屬意相貫烏得謂之衍 反在導江之前也且文之衍必與上下之文乖刺而 也導漢文云東爲北江故導江承之曰東爲中江若 1

更与言来 者不少矣烏得謂之不待疏鑿固已通行乎孟子曰 彭蠡之 豬三江之入詳矣即沱潛雲夢亦江漢之水 **畧焉於梁言岷幡之藝於荆言江嫫之朝宗於揚言** 是必無以江漢大川而不親往但遣官屬之理若再 禹八年於外三過其門而不入禹之治水勞且久如 耳三州之交言江漢者大牛焉則禹之致力於江漢 乎視禹矣禹治水時三苗窟已人矣頑弗即工者未 八年之胼手胝足止為一 ||一大・アー 河而餘皆不暇往亦幾之 6

ラオイ金 春秋傳云潘黛逐魏飾及滎澤見六燦射一 **鑫者誤也蓋漢之滙而爲彭蠡猶濟之溢而爲榮也** 華其舊俗耳非頁固不服也見唐虞治定篇中 亦必不至受人之欺而妄載之策也由是言之經固 之天使不敢一涉其境豈理也哉且以禹之聖所辟 非衍丁亦不容有誤其所以不合者乃以番陽爲彭 官屬必賢果未親歷其地必不强不知以爲知度禹 固不服舜安能分北之竄之則從分之則從獨治水 1 2 2 果頁

更考店除——《卷之一— 數千年以前之數澤平由是言之經之彭鑑自別 地本卑又適近熯殯入江河之處是以潴此二澤日 獻鄭氏云榮今塞為平地其民猶以荣澤呼之是荣 其在江北也故導漢曰東滙不曰南滙導江日北倉 在宋時廻環號八百里今僅數百年已坦然平地況 在春秋時已通車馬至两漢時遂為田疇矣蓋此二 地自在江北為漢水之所涯而今亡耳非番陽也惟 **外也高遂成平陸彭蠡與滎一耳何獨異焉梁山伯** 主

别一 爲然漢書地里志豫章郡即今江彭澤縣下注云禹 貢所云無一 南而已滙爲彭鑫不待橫截而北而已流爲北江禹 非即彭畿又明矣且不云有彭蠡澤而云彭蠡澤 頁彭蠡澤在西番陽在彭澤南而云在西則彭蠡自 于滙不日南會于滙惟其在江北也故不待橫截而 一不以彭鑫稱番陽而稱為湖漢則番陽自名湖漢 一地非番陽明矣又云水入湖漢者八八大江者 語之不符無一字之可疑矣豈惟禹貢

夏芳言译 北故江南亦稱江東江北亦稱江西彭澤錦江而 則視上游汇之北岸為西故以爲在西耳然則班氏 西似彭鑫原不在縣境中者不直云彭鑫澤在西面 必在彭澤境也因彭澤之無彭蠡遂南移之番陽失 但因縣之得名由於彭鑫故注其地所在非謂彭鑫 可指如人之呼滎澤者然蓋江雖東流然常斜迤而 之遠矣朱子乃云漢志不知湖漢之即爲彭蠡而两 云禹貢彭蠡澤在西叉似彭蠡巳塞但其地尚約畧

之豫章乃在郢東南千數百里去漢水遠甚故杜 春秋傳云楚師還自徐吳人敗諸豫章吳伐楚舍舟 言之豈知彭蠡自在江北湖漢原非彭蠡不但禹貢 章然則不但彭鑫在江北即豫章亦本江北地名也 註云此豫章皆當在江北淮水南蓋後徙在江南發 于淮汭自豫章與楚夾漢徐淮皆在郢之東北|而漢 不悞即漢志亦不悞乃後人以爲番陽者誤耳又按 晉之渡江也於淮漢之前僑置雍豫徐兖諸州以處

清又東北會于汶又北東入于海 導沇水東流為濟入于河溢為榮東出于陶丘北又東至千 ALT LITER . . 於都然者不得以彭澤縣在江南遂謂彭蠡亦當在 其民豫章彭澤之在江南蓋亦類此如傳所稱遷郢 **故備論之如此說並見唐虞體國經野篇揚州條下** 江之說皆無關於大義然據註駁經其端不可不杜 謬而據之以斷古書之是非誠未可輕言也此與三 江南也以數千年之後地名水道欧易之餘沿訛踵 / ALC 1 ... 導准自桐柏東會于四 1

ラオ、信剣 導滑自鳥鼠同穴東會干灃又東會干涇又東過漆沮入干 沂東入于海 -同 導洛自熊耳東北會于澗遲又東會于伊又東北人干 導水凡九章其次第有五弱水黑水在九州之上游 大於江漢鼓次江漢河以南江漢以北惟濟准皆獨 **故先之中原之水患河為大故次河自河以南水真** 入于海故次濟准雍水多歸于渭豫水半歸于洛然 書禹 えれて、

THE SEC 水也行其所無事也並孟 附論〇孟子日禹之治水水之道也〇孟子日禹之行 當任水所自趨非也水之央情形各不同或疏或塞 按孟子以行所無事稱禹後世論治水者往往以為 准先弱水於黑水先北而後南也先渭於洛先上而 皆附河以入于海故以渭洛終之先漢於江先濟 後下也 當審其全局之高下而權衡之不得以一時一 3/ (一地ゥ

夏考信對 人名之一 禹日洪水滔天浩浩懷山襄陵下民昏墊予乘四載隨山利 當疏則疏當塞則塞順其自然而已無所與焉是之 在下流之爱害者事乃不可勝言矣所謂行其所無 决為斷也若但任其失而不治在失之地或可無事 謂行所無事耳非任水之所自趨也果任水所自趨 事者正以能審地勢高下之宜當任則任當敗則敗 未及故附論之〇此以上并記禹導水之事 何賴有禹孟子何以有疏淪决排之交乎世於此多

不監然奏族鮮食子失九川距四海濟歌繪距川暨稷播奏 **康觀食鮮食懋遷有無化居烝民乃粒萬那作久** 導山旣畢然後導水縣然两事無疑也蓋洪水之患 按隨山刊木即禹貢之導山事也決川距海即禹貢 循水而導之使平田之害盡去而不先導山亦無以 山居者多故先隨山而導之使高田之害先除然後 之導水事也而隨山暨益同功决川暨稷同功則是 察地勢之高卑而蓄洩之潛心玩之猶可見禹致功 本之一

成五服至于五千州十有二師外薄四海咸建五長各廸有 **娶于塗山辛壬癸甲 啟呱呱而泣子弗子惟荒度土 功弱成** 股書 盆 備覽○陸行乘車水行乘船泥行乘橇山行乘權史記 者由已飢之也是以如是其急也孟 紀 附論〇禹思天下有溺者由巳溺之也稷思天下有飢 之次第云

馬八年於外三過其門而不入五 以治民臨諸侯禹之力也左傳昭 美哉禹功明德遠矣微禹吾其魚乎吾與子弁冕端委 附論○天王使劉定公勞趙孟於類館於維內劉子曰 禹治水事世人多不詳考因見薨有九年之水之 水道此乃開闢以來積漸之水日積日多遂至懷 **遂謂堯時偶然有水而禹治之非也上古之時本無** 而襄陵耳至禹然後相視地形高卑疏為水道使皆

長津。信剣 陽城天下之民從之若堯崩之後不從堯之子而從舜也孟 翻舜為禹於天十有七年舜崩三年之丧畢禹避舜之子於 以前回無所謂水道也故定公日微禹吾其魚乎春 秋之時去古未遠故當時人人皆知之今則知之者 禹掘地而注諸海然則今之水道皆自禹始有之禹 流入于海由是地皆涸出人有寧居孟子嘗言之矣 鮮矣學者詳加考核啟知禹之爲功大也 日當堯之時天下猶未平洪水橫流汜濫於天下日

東北三家一一人とノニー 備覽○禹立而舉皐陶薦之且授政焉而皐陶卒封· 尚之後於英六或在許而後舉益任之政史記 吕覽云堯治天下伯成子高立為諸侯堯授舜舜授 甚數而民爭利德自此衰利自此作後世之節自此 始余按禹之德或尚遜於堯舜若其道則未有異也 禹伯成子高辭諸侯而耕禹往見之問曰何也伯成 子高日當堯之時未賞而民勸未罰而民畏今賞罰 禹所行者即堯舜之政初未嘗有所變革而何為遂 夏

信之者故不可以不辨 者皆好拨古而非今故造為此言借唐虞以駁三代 吕氏之客無知而妄採之耳此事雖至無理然亦有 而反謂禹始亂豈不謬哉蓋楊氏之徒爲黃老之 至於生亂乎洪水之災非禹莫能治之禹之功大矣 心今寡人為君百姓各自以其心為心是以痛之也 為痛之至於此也禹曰堯舜之人皆以堯舜之心為 說苑云禹出見罪人下車泣而問之左右日君王何 說

翻馬惡旨酒而好善言 儀狄作酒馬飲而甘之遂疏儀狄而絕旨酒 則善而不必實有是事也至禹自謂不如喪舜禹之 言亦淺俗故今不錄 存心固應如是若論者遂以是爲優劣則固矣且其 余按此亦後人推度聖人愛民之心以為言者其意 按此雖見於國策然與孟子之言合當非誤引故從 傳記之例 策戰 國

夏考信、錄 禹聞善言則拜了 淮南子云禹縣鐘鼓磬鐸置軺以侍四方之士爲幡 **拔鐸語以憂者擊磬有獄訟者搖軺余按此皆形容** 聖人好善之誠非具有此事也後世君門萬里下情 日教導寡人以道者擊鼓喻以義者擊鐘告以事者 言也命初下而奉臣進諫門庭若市何况於禹且其 不能上達於是設數以防壅蔽當禹之時君與民如 身誰能阻之而尚賴於鐘鼓之縣乎齊威王之水 者之

禹合諸侯於途山執玉帛者萬國左傳哀 會語云吳伐越墮會稽獲鬥焉節專車吳子使來好 聘且問之仲尼日敢問骨何為大仲尼日昔禹致羣 共為後人形容之語甚明故今不錄 車此為大矣云云余按四凶之罪大矣然堯舜所以 神於會稽之山防風氏後至禹殺而戮之其骨節專 文殊沒弱非虞夏時語而道義與事亦不得分為! 者不過流放今防風氏但後至耳邊殺而戮之

東书信第一一个老之一 備覽〇十年馬東巡行至于會精而崩皮記夏 神之言不相蒙神也又安得有骨乎且定公十二年 年孔子在陳之時然則不但禹必無戮防風之事即 馬亦殘忍矣哉防風氏者人邪神邪人也則與致羣 孔子巳去魯適衞矣而吳棲越於會稽乃在哀之元 按孟子稱馬灣盆七年而崩而此篇謂禹立而薦阜 孔子亦初不得有答吳使之言也此乃好談神怪而 不考其實者之所為故不載

i K 附論〇子曰禹吾無間然矣非飲食而致孝乎鬼神惡 非馬其誰能修之二十九年 附論〇吳公子札來聘見舞大夏者曰美哉勤而不德 **衣服而致美乎黻冕卑宫室而盡力乎溝洫禹吾無** 稽揚州 地尚非養梧之比姑存之 陶皐陶卒乃薦盆凡立十年而崩則與孟子之交刹 **畧相符其年或有所據惟崩於會稽未見其必然恐** 係戰國之時傳流之誤如舜之崩於葊梧者然但會

言曰俞詩學 言其人有德乃言日載采乐 都慎厥身修思示惇叙九族庶明勵翼邇可遠在兹禹拜昌 則哲能官人安民則惠黎民懷之能哲而惠何憂乎驩兜何 遷乎有苗何畏乎巧言令色孔壬皐陶曰都亦行有九德亦 若稽古阜陶日尤廸厥德謨明殉皆禹日俞如何阜陶日 陶日都在知人在安民禹日吁咸若時惟帝其難之知 皐陶 上同

夏涛信稣 温 在官百僚師師百工惟時撫于五辰庶績其凝無教逸欲有 恭 有典刺我五典五惇哉天秋有禮自我五禮有庸哉同寅協 | 邦兢兢業業一日二日萬幾無曠庶官天工人其代之天叙 明有家日嚴祇敬六德亮采有那翕爱敷施九德咸事俊义 事愆哉愆哉天聰明自我民瘾明天明畏自我民明威達 簡 和東哉天命有德五服五章哉天討有罪五刑五用哉政 日何阜陶日寬而栗柔而立愿而恭亂而敬擾而毅直而 而兼剛而塞彊而義彰厥有常吉哉日宣三德夙夜浚

知思日質質寒哉同 舉陶日朕言惠可底行禹曰俞乃言底可積皋陶曰予未有 一敬哉有土上 文公 附錄○城文仲聞六與蓼滅日皐陶庭堅不配忽諸在 五年 杜氏註云庭堅即皐胸字余按交五年傳楚成大心 春秋文公十八年傳高陽氏才子八人有日庭堅者 城六公子燮滅蓼城交仲曰皐陶庭堅不祀忽諸乃 Ę

多才作金 夷印其名也皐陶何以獨有字乎典漢之稱皐陶多 夷似字然舜亦稱之為伯是唐虞之時名字未分伯 氏之說遂謂英即變亦恐未然也且堯舜禹天子也 然也史記夏本紀云槹陶之後封於英六亦不言夢 别有所據邪若即因此交而合之則未有以見其必 則似六乃皐陶之後而蓼乃庭堅之後者正義因杜 似六蓼两國之雕一為皐陶一為庭堅者不知杜氏 而尚書皆稱其名是唐虞之時未有字也九官惟伯 マンスー The Line Six 稱為庭堅者何所見而知庭堅之為卑陶乎故今曒後世之詩人稱之儒者稱之亦同詞焉從未有一人矣帝稱之同朝之臣稱之史臣稱之皆以鼻陷乃至 17/ ...

更等言来 之陰朝觀訟獄者不之益而之啟日吾君之子也謳歌者 **翻禹薦盆於天七年禹崩三年之丧畢盆避禹之子於箕山** 謳歌盆而謳歌敢日吾君之子也孟 夏考信錄 卷之二 附論〇孔子口唐虞禪夏后殷周繼其義一也同 憨 Wake & Jan. **5人業門人石屏陳履和校刊** 大名崔述東壁謹考

傳於子有諸孟子日否不然也天與賢則與賢天與子 也莫之致而至者命也上 之賢不肖皆天也非人之所能為也莫之為而爲者天 舜也歷年多施澤於民久取賢能敬承繼禹之道益之 則與子丹朱之不肖舜之子亦不肖舜之相堯禹之相 附論〇萬章問日人有言至於禹而德衰不傳於賢而 相禹也歷年少施澤於民未久舜禹益相去久遠其子 世之論者皆云二帝官天下三王家天下唐韓子對 サインとニー

則不爭前定也前定雖不當賢猶可以守法不前定 而不傳者禹也又云傳之人則爭未前定也傳之子 舜舜傳之得其人而傳之者堯舜也無其人慮其患 論之則當矣遂以此為古聖人之心事則非也經傳 子也憂後世爭之之亂也又云舜如堯堯傳之禹如 而不遇賢則爭且亂余按韓子之說以後世之時勢 禹問云堯舜之傳賢也欲天下之得其所也禹之傳 之文多以堯舜並稱而禹常與阜陶稷契同舉書合

夏考信封一卷之十 **堯舜事為一典而禹與皐陶皆有謨禹之德未必遂** 鲜食以成大功益之德亦未必遠下於禹也然則盆 陶盆亦稷契倫也度禹之心亦必不以已為其人而 天子而盆不得與遂謂禹為其人而益非其人其好 之視禹恐亦當如禹之視舜今因堯舜禹之相繼爲 與堯舜齊也益與禹同在九官之列佐禹烈山澤奏 盆非其人也且禹果慮其爭則尤不可傳子何者唐 乃以成敗立論也哉舜之命禹也禹讓之於稷契皇

夏芳言以 人民人二 傳而得賢者或未必遂至是即不然亦不過如是止 為憂後世也哉若慮盆再傳而致爭則啟之再傳亦 虞之天下非一姓之天下也而禹獨欲傳之子天下 爭論渴則可若至夷末兄終弟及巳三世矣傳弟則 耳安見傳賢之不若傳子乎日然則禹何以傳之敵 不爭而傳子則必爭此理甚易見也禹安得以傳子 必有議其私者矣不見吳光之弑僚乎故傳子之不! 何嘗不爭也羿澆之禍民生塗炭王嗣流離使益再 =

使治之非惡慮身後之爭天下|而傳之舜以絕觊觎 者亦併無傳賢者獨堯以天下多難故讓位於舜而 傳禹禹之不傳人何怪焉故舜以禹爲相舜之事畢 而歸之天子不能以天下傳之一人也不惟無傳予 則與賢天與子則與子禹固未甞傳之駁亦未嘗傳 之盆也蓋自唐虞以前天下諸侯皆自擇有德之人 抑禹傳之益而啟奪之耶日孟子言之是已天與賢 原考信錄中 竟之初意原非傳舜故舜亦未嘗以 夏片言深一声(长) 黄帝顓頊豈皆不憂後世者乎後人但見商周以來 矣禹以益為相禹之事亦畢矣禹崩之後天下之歸 也自義農黄帝以來皆若是而已矣神農黃帝皆無 問之也何者上古之天子原無以天下傳之人之事 亦不歸於咸而別歸於有德之諸侯禹亦不得過而 於盆與歸於殷禹不得過而問之也天下不歸於盆 信錄中若謂禹必傳之一人然後為憂後世則包義上古考 天子世世相繼遂以之例虞夏而以爲天子之後必

アジアイ金 誇不則又以為禹賜傳之盆而陰傳之啟於是乎有 當更以天下授之一人不傳於賢則傳於子以啟之 以承人為吏之誣卽能尊信聖人如韓子者亦但以 識不則以爲再傳之盆而啟奪之於是乎有殺盆之 繼禹而王也故遂以為禹傳之政於是乎有德衰之 聖人之與則一也且啟繼禹而王亦僅一世止耳太 康失國相居帝邱夏已降同於諸侯沒有過之難厥 為憂後世之爭故傳之駁而已其說雖不同而其失

夏特には一下をとし 以收夏衆是以天下復歸於夏藉命少康僅屬中材 禹何嘗有家天下之心哉又幸而杼能帥禹天下歸 少康不得復中與矣是故少康之興禹之所不料也 或雖有茂德而先有聖人者出滅羿奡以安天下則 **笑於是天下之人耳濡目染安於夏政若天下乃夏** 於夏者先後四世其問干天位者皆以惡終為天下 **祀遂殄適會羿浞淫暴民不歸心而少康能布其德** 之故物者雖庸主撫之而諸侯皆懲於羿奡而不敢 五

餘年也哉及至有商繼世而王已有成迹而又適有 生心然後夏遂家天下耳由是言之夏之家天下天 年至周遂爲一定之例而不可變然則三代之家 三 禪讓之天下禹亦安能獨取而界之於子孫至四百 至者命也非但禹無家天下之心縱使有之而唐虞 也非禹也故孟子曰奠之爲而爲者天也莫之致而 伊尹之輔政太甲之自艾故復循夏故轍其後甫衰 而即有賢聖之君出而振之由是遂家天下六百餘

夏籽言译 KK之二 賢聖六七君與禹初無涉也故凡論唐虞三代之事 為禹傳之政又以聖人不私其子復為前定不爭之 後人所當輕議也韓子乃不之信而信流俗之言以 幸生泰火以前古書未盡散失得以考而知之固非 者惟孟于得其梗概蓋孟子之智足以知聖人而又 說以此全之過矣嗟乎孟子亞聖也韓子大儒也孟 于之言猶不能取信於韓子況以余之恩陋乃獨排 工其端萌於及其事遂於少康村而其局定於商之

侮五行怠紊三正天用勦絕其命今予惟恭行天之罰左不 大戰於甘乃召六卿王日嗟六事之人予誓告汝有扈氏威 攻于左汝不恭命右不攻于右汝不恭命御非其馬之正汝 不恭命用命賞于祖不用命戮于社予則拏戮汝書 備覽○冇趸氏不服取伐之大戰于甘將戰作甘誓送 城有扈氏天下咸朝史記夏 世儒之論而推闡孟子之說其亦可謂不量力矣說 並詳前堯舜及後少康篇中 - X . V. 廿

随夏敬有鈞臺之享左傳 夏考言 除—— 左傳文 附錄○戒之用休蓮之用威勸之以九歌勿使壞逸夏 偽古文尚書大禹謨以戒之用休四語為禹之言於 舜世者其文云禹曰於帝念哉德惟善政政在養民 水火金木土穀惟修正德利用厚生惟和九功惟叙 九叙惟歌戒之用休董之用威勸之以九歌俾勿壞 余按左傳郤缺所引書文止此四語而自以已意釋 牟 一巻七十 公四年 將

邁筆談云今大禹謨明係掇拾郤鈌之語後世盡為 以為夏書離騷云啟九辨與九歌兮太康娛以自縱 所欺不知書果說明卻飲又何必費解卻飲何不全 九功水火金木土穀謂之六府正德利用厚生謂之 則是九辨九歌皆作於啟之世不但非禹之言亦必 三事然則尚書原文必無水火正徳等語明矣余弟 之日九功之德皆可歌也謂之九歌六府三事謂之 引書文而乃隱其詞而詳解之乎又按左傳引此文

東考信錄 附錄○古之人廸惟有夏乃有室大競賽後尊上帝廸 知悅恂于九德之行乃敢告教厥后日拜手稽首后矣 附錄○昔夏之方有德也遠方圖物賣金九收鑄鼎象 **乃宅人兹乃三宅無義民**養立 日宅乃事宅乃牧宅乃华乾惟后矣謀面用丕訓德則 漢樂府也故今附錄於此 九歌乃古樂章之名而楚人擬為之如晉唐人之擬 不在舜之時矣。今楚齡中亦有九辨九歌然則九辞 人をとし

宣入 三年 不若螭魁罔两莫能逢之用能協於上下以承天休左 物百物而為之備使民知神姦故民人川澤山林不逢 以下十有二字註以四字為句以貢金九牧為九州 今附錄於敵之後亦關疑之義爾〇又按傳文遠方 知也九鼎之鑄世皆以為禹事然傳旣不稱禹而 按立政篇有室大競不言何王之時則非專指禹可 在位不久恐亦未暇及此或敢或少康未可知也故 禹

備覽○夏后啟崩子太康立坐記夏九牧皆真金平余謂當以六字為句遠方之國圖物 之牧頁金於文理殊未協且九州不必皆産金安得

デシーラード 美 補 改九辨與九歌今太康娛以自從 備覺〇太康失國昆弟五人須于洛汭作五子之歌史 **北夏** 春秋傳所無者則皆詞意淺陋不類三代時語至變 按世所傳偽尚書五子之歌其語多采之春秋傳若 夏中衰之世 陶予心两句采之孟子尤失萬章之意其為後世後 **夏裔太康** W 5212111 仲康 相 訶楚

多才作金 備覽〇太康崩弟中康立 存疑〇義和湎淫廢時亂日允往征之作允征 掌六師義和廢厥職酒荒于厥邑允侯承王命徂征 或謂義和忠於夏羿假仲康之命征之或謂義和黨 偽古文尚書允征篇首云惟仲康肇位四海允侯命 於羿仲康藉荒酒之罪除之金氏通鑑前編因之為 後儒多疑荒酒罪小不足加以六師於是曲為之解 人之所偽托顯然可見故今不禾 上同 序文 同書

更好治治家 巳有大過人者義和不共王職而歸於有窮者是 就命可信而其文但言廢職荒酒則忠於夏與黨於 **莠和黨於羿仲康安能征之仲康在丙則權不在巳** 羿均無可徵止據我之猜度定古人之功罪可乎且 為王室倚重矣余按此篇係偽古文尚書本不足信 征之羿必沮之在外則國勢微弱征之羿必救之仲 祖征之師君子是以知仲康之能自振而允侯之 日仲康繼立於外命允侯掌六師其規模舉錯 光光リー

翫卷筆談一則書序云藏和順怪廢時亂日允往征 足信而書序亦未敢以為然也堯典有義仲和仲義 之謬今錄於左 之言而附會之者後人遞加附會遂至以無為有憑 之作允征古交本此而作其事深為可疑蓋古文不 康無如羿何又安能如靈羿者何蓋此篇本凶書序 叔和叔之支羲和非一人也今云羲和酒淫又云懿

ずし しり 二男 とべ 在其采己而未常據地拒命則亦無事於張皇六師 和欽若昊天蓋藏伯和伯也藏伯和伯在國都而仲 用以六師征之乎允征巧為之辭日酒荒于厥邑即 权宅於四方此湎淫之藏和必在國都者在國都何 和廢脈職一人乎非一人乎可疑一也堯典乃命驗 矣何用與師動衆乎可疑三也不曰允侯往征之而 也可疑二也湎淫之罪昏迷之愆廢之可矣刑之可 日允往征之允似人名非國名也不日王命允往征

夏老信動 一名之二 **罪而誅之止責其廢厥職荒厥邑今経中亦全不見** 以經考之義和蓋黨羿惡仲康畏牙之強不敢正其 於夏羿假仲康命命允侯征之者固未必然蔡氏謂 不足以為據也可疑五也蘇氏以為藏和貳於羿忠 康之元年然夏代未必止仲康時日食而篇中仲康 以爲日食在仲康之五年經世書以爲征義和在仲 書序無仲康字不著其時史記謂當帝中康時唐志 之而日光往征之允征未必出於王命也可疑四也

夏者信封一次常之二 異此時仲康不知實在何地在安邑則號令未必能 揚以為始征學者不疑湯之征葛而疑先侯之征義 自己出在太康則義和黨羿自在安邑恐非仲康之 此意則亦工於猜度者耳說仲康者有河北河南之 征之故至云葛伯不祀不過其身自得罪於祖宗而 力所能及也可疑六也陳氏大猷曲說義和所以當 和者過也此說亦殊憤憤即果如所言義和之罪過 於葛伯而湯於葛為敵國仲康於巍和為天子其理

征之也陳氏未讀孟子不足與辨也〇按書序之文 掌之甘誓所記甚明至春秋時猶然自問官多謂 盡書序之意筆談所論備矣且古者六師皆六卿 往往失經本意固不敢謂然而偽允征之交亦未必 也觀孟子所言湯非以不配征葛七為其殺童子而 是言也果夏時書安得有是語哉故今偽書及前 始謂司馬掌六師而偽書周官篇因之春秋以前無 勢同乎否乎且謂葛伯不祀湯始征之者書序之恆 分

夏考信錄 棚昔有過澆殺斟灌以伐斟鄰滅夏后相左傅哀 備考〇衛遷於帝邱卜曰三百年衞成公夢康叔曰相 備覽〇中康崩子相立戶 奪予享公命祀相審武子不可曰鬼神非其族類不飲 其配化即何事相之不享於此外矣非衛之罪也左 太康失國之事史記不載其詳偽孔傳云羿廢太康 之語概不載而列史記所采書序之交於存疑 やをとこ 占 公傳

時必廢之也傳云羿因夏民以代夏政則羿於其後 篡天子之位仲康不能殺羿必是羿握其權知仲康 之立是羿立之矣由是叙古史者皆謂羿相仲康 握其柄如莽之於嬰操懿之於獻帝齊王然者金仁 山通鑑前編駁之云自唐虞以來都於冀州而冀自 有收非天子自治則甸服之地跨河南北也薛氏謂 而立其弟仲康爲天子正義云以羿距太康於河於 夕拱 州太康縣 即太康故城而傳亦稱相居帝邱然 而

境大河之北至浞滅相而夏統始中斷又云傳稱 代夏政號帝夷羿豈立仲康而為之臣者仲康雖立 这於后相皆在究豫之境古大河之東南羿據冀 **鹊篡非有者後世之赐奉其名而陰操其柄待其** 之所謂篡者奪也德不足服天下而以力强奪之之 國於外然肇位四海諸侯之尊夏固自若也余按古 因夏民以代夏政稱帝夷羿寒浞代之皆在冀州之 則太康為罪所拒不能濟河而更都南夏以傳仲

夏考信的——老之二 為常羿旣力能奪夏之國正不必奉仲康以號令於 是也然謂分河南北而治諸侯尊夏自若則仍惑於 康於故國德何以又滅相於帝邱哉此蓋作僞傳者 為也咒當唐虞之後夏有天下僅及二世原不以繼 偽音之說而不免乖謬於事理何者王畿雖或跨河 民也且仲康既在故國相何以又在帝邱羿既篡仲 習於魏晉之事而以今例古以為亦然耳前編之辨 **固而後移其社稷若曹操司馬懿狐媚竊國者之** 沂

齊晉迭霸天下始知尊王猶但以空名相維緊號令 餘世然朝覲者不過晉鄭近畿諸侯亦僅羈縻之耳 朝諸侯有天下哉平王之東也天下安於周者已十 **钕逸書云維彼陶唐有此冀方是王畿之在河南者 阎無多也仲康后相流雕播遷之餘微弱不振安能** 而南然禹貢冀州不言貢而豫州之支無異於他 異而安能使諸侯戴之如故乎且使諸侯果仍 不能行也況夏有天下未久太康失道即與朱均無 州

夏老 作動 一地之二 於夏而羿但有冀州之地則以天下之力不難恢復 **時亦必有二三强大諸侯若商相土者能坐鎮** 觀於夏而不 問此亦事之必不然者也蓋夏之失國 以德衰羿之并夏以力强以力争者必蠶食以歲月 并夏而逐其君乃於諸侯之百里五十里者聽其朝 河外遷於帝邱日浸徵弱卒至於相而滅於促然當 其取冀方也蓋非一日之故漸漬吞噬而夏乃避於 州何以聽其坐大而卒為其所滅以羿之强力且

更考言除一大をとこ 邱耳烏有所謂分河而治尊夏自若者哉太康之時 事例夏初也故偽傳前編之說概不採說並見前餘 之時僅數十年是以天下諸侯畏羿者自事羿親軍 者自附夏而稍遠者則各自保其土不得以漢晉之 去天子不相繼之時僅二百年去異姓相繼為天子 而不事羿以故羿之力不能及遠而夏得苟安於帝 干位夷羿 寒浞

愿以取其國家外內咸服羿猶不悛將歸自田家衆殺而亨 簡泥行媚于內而施賂于外愚弄其民而虞羿於田樹之詐 信而使之以為已相之事裏 恃其射也不修民事而淫於原獸棄武羅伯因熊髡尨圉而 用寒浞寒浞伯明氏之谗子弟也伯明后寒棄之夷羿收之 **翻吉有夏之方衰也后羿自姐遷於窮石因夏民以代夏政** 羿善射 論語憲 存恭〇羿焉蹕日烏焉解羽楚 公四年

之以食其子其子不必食諸死于窮門靡奔有局氏左母妻 1:17 1:1 XK **丝蒙學射於羿盡羿之道思天下惟羿為愈已於是教羿** 附論〇孟子日是亦羿有罪焉公明儀日宜若無罪焉 日薄乎云爾惡得無罪」 說者云羿堯時人善射堯時十日並出金燦草木焦 以羿號之實非羿也余按羿射日事楊氏慎管辨 枯荛命 羿射之中 其九其後有窮之君亦善射故

見者作第 オマナー 語云彈射日落九烏言羿善射一 遂附會之以彈為堯時人請彈射落其九而存其 見耳角明四目豈舜面實生四目子說者因有此 後人誤讀彈射日為句送謂日中有烏落九烏落 則盆謬矣王楚詞中此語觀二焉字亦似不以為然 日也謬矣且十日並出者馱堯德之明天下無所不 是此事之荒唐本不足辨然觀此可知秦漢以後不 而駁之者後人反取此文以為羿射九日之證亦非 日之中獲九烏耳

随促 門羿室生澆及豷恃其讒惡詐偽而不德於民使澆用 國之燼以滅浞而立少康少康滅燒於過后杼滅豷於戈 師滅料灌及掛葬氏處燒於過處種於戈靡自有兩氏收二 衰公 者之助 **水外遂不敢輕議耳故舉之以爲能以** 傳述轉相附會以至大談後人習聞其說以為所從 經之談皆由誤會古人之意或誤讀古人之句轉相 隅反三 隅

長羽夷古墨舟尚語憲 存恭〇覆舟料葬何道取之楚 **未圓春秋傳云齊侯與蔡姬乘舟於囿邁公公懼變** 舟為覆舟余按以舟行陸於事無取釋盪為覆於義 色禁之則湯乃搖動之意蓋古字蕩盪通用奡以 論語集註以溫舟為陸地行舟或引此交為據以監 游戲之小舟界所溫而覆之者两軍交戰之大角此 人之力摇抖郭氏之舟而覆之也蔡姬所邁者囿中

			所以為材力之能人也如此於文義似不
			如此於文義似平允

是妻之以二姚而邑諸綸有田一成有象一旅能布其德而 能成之澆使椒水之逃奔有處為之庖正以除其害處思於 兆其謀以收夏衆無其官職使女支課海使季籽誘豷迷滅 **随后稻方娠逃出自實歸於有仍生少康焉為仍牧正惎澆** 過戈復馬之績配夏配天不失舊物公三年 とうかいかん 皇王大紀於少康生之年即書少康元載以紹夏統 網目前編因之余按上古之世本無相承之統由黃 W. 2. Ė

相繼然皆異姓也至禹崩時阜陶已亡益亦避去其 道是以天下歸之此乃適然事耳非以夏爲一代之 餘稷契之倫大抵皆已前没而啟又賢能承繼禹之 帝至帝嚳皆隔百數十年而後代與自堯舜禹而後 之朝觀訟獄者斷不能歸於太康也明矣況仲康相 統而必世世子孫相承不絕也駁崩之後天下諸侯 之微弱者乎但此時別無聖人能得天下心者是以 天下未歸於一適倉少康後有令德諸侯歸之而又

芒不降得以蒙棠而安耳由是言之夏之世守天下 得賢子杼繼之然後天下久歸於夏人則難變而槐 诸侯為其牧正為其庖正方且北面而臣事之亦斷 者可比而何必繼其統使相承不絕哉**况少康**仕於 以異也然則羿浞之在當時與重尤之在上古處奏 至少康杼之後始然當其初固與上古之代與者無 之在戰國界相似初非若新莽周墨之騙統於漢唐 不可於此時嗣天子之統也學者不知夏所以家天

東考信錄 補 行能帥馬者也語 備覽〇少康崩子予立史記夏 備覽O予崩子槐立槐崩子芒立芒崩子泄立,泄崩子 不降立不降崩弟属立属崩子廑立爅崩立不降之子 孔甲生記夏 勢故今申而明之而以羿奡附於啟太康之後說並 見前敵太康篇中 下之故故論禪讓繼統革命之事多謬於理而乘於 老之二

名也 稱為康也仲康見於史記當亦不誣何故亦沿康號 失國少康中與賢否不同世代亦隔又不知何以 則不似名而似號不知二后何故獨以號顯且太康 按禹之後嗣見於傳記者日耿日相日杯日舉皆其 而 識其說於此 之取號於甲乙已彷於此與古書散失不可考矣始 以仲别之至孔甲則又與商諸王之號相類豈商 一古質樸故皆以名著無可異考惟太康 同

東考信錄 有此始孔甲不能食而未獲豢龍氏有胸唐氏既衰其 備覽〇孔甲立好方鬼神事烂亂夏后氏德衰諸侯时 嘉之賜氏日御龍以更豕韋之後左傳昭 存疑〇有夏孔甲擾於有帝帝賜之乘龍河漢各二 後有劉界學擾龍於豢龍氏以事孔甲能飲食之夏后 本 紀 記 夏 孔甲 按春秋傳稱孔甲擾於帝而史記謂其德豪諸侯畔 大 大 大 大 1 阜 Ĕ

備覽○車崩子發立發崩子履癸立是為朱史記夏 備覽〇孔甲崩子肆立母就更 備考〇報有二陵焉其南陵夏后舉之墓也左傳傳 煩荒誕未可取信不如史記之為近理故采史記之 之語殊相左考傳所言帝賜乘龍及醢以食夏后事 文載之列傳文於存疑而刪醢龍之語

夏考信錄——一个老之十 終月初十一十七进乃附攸問書多 雁帝降格于夏有夏疑厥逸不肯感言于民乃大准昏不克 上帝引逸有夏不適逸則惟帝降格獨于時夏弗克庸帝大 沒有許書多 所覧〇夏無代有施有施人以妹喜女馬·蒂 韓詩外傳云桀爲酒池可以運舟糟邱足以望十里 而牛飲者三千人新序云無作瑶臺罷民力彈民財

附録○夏樂爲仍之會有籍叛之公四年 荒淫之主非有若後世秦始隋煬之所爲者且桀豈 患無酒而使之可運舟望十里欲何爲者此皆後世 猜度附會之言如子貢所云射之不善不如是之甚 此事無年可考不知在伐施之前與抑在其後與始 者故不錄 附錄於此 爲酒池糟堤縱靡靡之樂余按古者人情質模雖有

乐德惟乃弗作往任是惟彖德 姓百姓弗港史記夏 備覽〇自孔甲以來諸侯多畔夏桀不務德而武傷百 新卷筆談一則,無針暴虐止行於**畿內耳四方**諸侯 辨之今載於左 偽古文尚書場誥云夏王城德作威以敷虐于爾萬 方百姓爾萬方百姓罹共凶害余弟邁訥卷筆談當 之國彼不能暴虐也故湯誓數樂之罪日夏王率

夏考信錄 人卷之二 以姦宄于商邑而偽場誥則日夏王滅德作威以敦 崇是長是信是使是以爲大夫卿士俥暴虐于百姓 虐于爾萬方百姓爾萬方百姓程其凶害偽泰誓則 其如台牧誓數紂之罪日乃惟四方之多罪逋逃是 子篇稱殷問不小大好草竊姦究天毒降災荒殷爭 日海痡四海此皆作者疎妄而不顧其理之所安也 〇余按多方篇稱有夏之民叨懫日欽劓割夏邑徴

汝皆广善多 日とり 一多 夏王率遏衆力率割夏邑有衆率总弗協曰時日曷喪于及 皆但言夏邑殷邦而不及天下與湯牧二誓同蓋因 虐政而已筆談之說是也撰偽書者本晉以後人故 其暴也故諸侯叛之是以後子篇云我其弗或氮正 尚書大傳云夏人飲酒相和而歌日盍歸于薄薄 四方四方皆分崩離析不受其約束故惟畿內罹其 以秦漢之事例之耳說並見後商湯及周文武篇中 1/ AK1 1 1 1 Ē

リオ作金 然嘆啞然笑日天之有日猶吾之有民也日亡則吾 兮我王廢兮趣歸薄兮薄亦大兮又日樂兮樂兮四 亦亡矣新序云羣臣相持歌日江水沛沛兮舟楫敗 命假兮去不善而就善何樂兮伊尹入告于王王倜 大矣伊尹退而閒居深聽樂聲更日覺兮較兮吾大| 牡蹻分六轡沃兮去不善而從善何不樂兮伊尹知, 天命之至舉觴而告桀桀拍然而作啞然而笑曰子 何妖言吾有天下如天之有日也日有亡乎日亡吾

東考信錄一〇七十二 必可以格君之非然後為之安有樂之阽危至此伊 類夏商以前明保後人擬作或有其事而附會之以| 亦亡矣余按二書所載歌詞言語小異然皆淺近不 以日比桀大傅乃以日比民新序又以日比天下,而 尹尚立其朝而不肯去坐待與之同亡同死此微箕 **致失其與者且伊尹聖人也雖日治亦進亂亦進要** 皆以天自比殊非尚書之意亦與下日亡吾亡之言 之所不為也況伊尹異姓之臣乎又按湯誓之文本

桀有昏德鼎遷於商左傳 備覽〇桀殺關龍逢 附錄○無克有器而喪其國左傳 附錄〇伊洛竭而夏七周語 11 此事不見於輕傳即史記夏本紀亦無之然相傳皆 按克有糈與伊洛蝎皆無年可考姑附錄於此 相應故皆不錄 爲如是於理固當有之姑列之於備覽 公三年 外韓 宜 停持

夏考信錄 湯放柴孟 鳴條遂放而死史記夏 備覽〇桀奔南巢 番 **悄覧○湯修德諸侯皆歸揚揚遂率兵以伐夏桀桀走** 存参〇湯放無居中野士民皆奔湯無與屬五百人南 從十里止於不齊不齊士民往奔湯桀與屬五百人徙 與五百人俱去尚書 於魯魯士民復奔湯桀日國君之有也吾聞悔外有人 老之二一 无

附論〇孟子日桀紂之失天下也失其民也失其民治 死則是桀兵敗出奔未嘗死也尚書大傳亦稱士民 桀之文國語云桀奔南巢史記云桀走鳴條遂放而 按湯之伐集傳記皆米并敬其事孟子書中有湯放 襲之以是謂之放也雖其言未雅馴或不能無附會 奔湯無與屬五百人南徙則是桀逃於外陽未曾追 要其情形大概於理為近姑附存之以備參考

見号后来 冥氏掛氏戈氏孔子正夏府學者多傳夏小正云東本 扈氏有男氏掛琴纸龙城人東民費氏祀氏繒氏辛氏 備考〇馬為似姓其后分為治理為此故有夏后氏有 和 論也 按此所記禹之後裔得失參半有扈氏爲啟所伐戈 為殪所封其非禹後明茲疑司馬氏誤也辛與有男 形城亦莫知其所本姑存之以備考殷後做此不悉 11 Acht 11. É

			i	1]			7/17/1
			ł	Í	i		1	1 7
X	'		1	1	1	,	ł	! =
أمان أ	<u>,</u>	Ì	1	į	l I	İ	[: =
	!	Į.	1	Į.	l i			! 7
11 77	1		ł .				1	i
عنا ا		•		ľ	Į		1	i 🚜
	Į į				ŀ		ł	i /
			ŀ	j	'		1	չ Ֆլ
A 49	:				l	Ì	J	i A
4.0			1			•	ł	4
7/			•				ł .	· 7
	1	ļ i	Ì	ľ				e i
					i I		}	1
بار الله]	·	1	1			i •	
1				į į				
			l	1			1	3
—			1	<u> </u>]	-1
. I I]	Ì			1	i 4
1			l	į	l I		i .	
			ŀ	[į l		F	1
夏者信錄卷之二終			F	Ī	i l		l i	1 1
1: ぶご		:	ł		!		1	A
		İ	i					[]
		i	1	1]		1
B (!	Ι .	[I.⊢
			[i		I		1
	İ		•	i				
				ŀ		i]	1
II I]		i	!
			i	j	}		1	!!
51	1		'	}	1		1	1 1
31	ļ l	ļ			1			1
5)							1 1
1 1			,	ļ,	li		1	1 1
1 !			1		İ			i
#				f				1
3 11	1			ì]		ì	1 1
1 1								i I
21			i					ł I
I.	ł i		· .		['		
2	1			[:]		B	1
T.			Į l	l i	, ,	-	. !	[
Į.	ļ <u>.</u>	·	:		.	_	<u> </u>	
1		l	1	}]		1	
1 :	1					ļ,	ı	
E T	[1	.			1		ł	
64				•]		ì l	
! "		Ī	i:		ļ :	ļ i		{
. 11	i i	i	i]	İ	}	
5 E		ŀ	ļ ļ	İ	1		i 1	▏⊒
[]	j 1	l l	•			l	1	ן ב
11				l i	1	ì	[]	7
11			ļ	.			r 9	
61				\			1	
i i				j	i			
51	ļ i	-	ļ	1		· '	l i	
11	1		1	!	į i		} 1	
ti				!	[ł (
5 !	,	į į	l	i		1	ا, إ	, i
					})	j 1	
5 !]		l] !	ŀ
1:	[´		1				i i	; ì
17	, !	!	1				1 1	l i
. .					Ï		j	[
I	1 -] i	1
T)	•])	•	t '	·	}	j i
	1		ŀ		ī	1		
							·	